

寧門廣錄

上

漢書門			
類	號	函	架
二	三三〇	九	三
冊	架	函	架

內閣文庫			
類	號	冊	函
〇	三	三	三
架	冊	冊	冊

釋家

內閣文庫	
番號	漢 3330
冊數	3 ( 1 )
函號	311 18

311-18



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





門人明識大師賜紫 守堅集

對機三百二十則 早文庫

師上堂良久云。夫唱道之機。固難諧割。若也一言相契。猶是急途。况復刀刃有何所益。然且教乘之中。各有殊分。律為戒。學經為定。學論為惠。學三藏。五乘五時。八教各有所歸。然一乘圓頓也。大難明。直下明得。與衲僧天地懸殊。若向衲僧門下。向裏呈機。徒勞佇思。門庭敲磕。千差萬別。擬欲進步向前。過在尋他名頭。布路從上來。更合作麼。生向者裏。道圓道頓。得麼者。邊那邊。得麼。莫錯會。好莫見與麼。道便向。不向。



頓處卜度者裏也須是箇人始得莫將依昆言相似  
語則度語到處呈中將為自己見解莫錯會抵如今  
有什麼事對眾決擇看 時有州主何公禮拜問曰  
弟子請益師云目前無異草 有官問佛法如水中  
月是不師云清波無透路進云和尚從何得師云再  
問復何來進云正與麼時如何師云重疊關山路  
有官問于子圍繞何者為的師云化下住持已奉來  
問 問今日開筵將何指教師云來風深辨進云莫  
祇者便是麼師云錯 問從上古德以心傳心今日  
請師將何施設師云有問有答進云與麼則不虛施

設也師云不問不答 問凡有言句皆是錯如何是  
不錯師云當風一句起自何來進云莫祇者便是也  
無師云莫錯 問如何是啐啄之機師云響進云還  
應也無師云且緩緩 問如何是學人的的事師云  
痛領一問 問如何是教外別傳一句師云對眾問  
將來 師云莫道今日瞞諸人好抑不得已向諸人  
前作一場狼藉忽被明眼人見成一場笑具如今避  
不得也且問汝諸人從來有什麼欠少什麼向汝  
道無事已是相埋沒也須到者箇田地始得亦莫趁  
口問問自己心裏黑漫漫地明朝後日大箇素樸



若根思遲迴且向古人建化門庭東觀西觀看是什  
麼道理你欲得會麼都緣是汝自家無量劫來妄想  
濃厚一期聞人說着便生疑心問佛問法問向上問  
向下求覓解會轉沒交涉擬心尋差况復有言莫是  
不擬心是麼更有什麼事珍重

問如何是雲門一曲師云臘月二十五進云唱者如  
何師云且緩緩 問如何是祖師西來意師云日裏  
看山 問如何是和尚家風師云久雨不晴進云如  
何是久雨不晴師云曬眼著 問如何是不帶朕師  
云天台普請南岳遊山 問如何是海上一路師云

九九八十一 問如何是學人自己師云遊山觀水  
進云如何是和尚自己師云賴遇維那不在 問如  
何是教主師云太無禮生 問如何是一代時教師  
云對一說 問如何是正法眼師云普 問如何是  
端坐念實相師云河裏失錢河裏撿 問如何是沙  
門行師云會不得進云為什麼會不得師云祇守會  
不得 問如何是尋常之用師云且那裏葛藤去  
問如何是教意師云你看什麼經僧云般若經師云  
一切智智清淨還夢見未僧云一切智智清淨且置  
如何是教意師云心不負人面無慙色放你下



問如何報得四恩三有去師云抱頭哭蒼天  
何是正法眼師云粥飯氣 問如何是三昧師云到  
老僧一問還我一句來 問如何是諸佛出身處師  
云東山水上行 問乞師指箇天路師云喫粥喫飯  
師云我事不獲已向你諸人道直下無事早是相埋  
沒也更欲蹋步向前尋言逐句求覓解會千差萬別  
廣設問難贏得一場口滑去道轉遠有什麼歇時祇  
此箇事若在言語上三乘十二分教豈是無言語因  
什麼道教外別傳若後學解機智祇如十地聖人說  
法如雲如雨猶被呵責見性如隔羅縠以此故知一

切有心天地懸殊雖然如此若是得意人道火不能  
燒口終日說事未嘗挂著唇齒未曾道著一字終日  
著衣喫飯未曾觸著一粒米挂一縷絲雖然如此猶  
是門庭之說須是實得與麼始得若約衲僧門下句  
裏星機徒勞佇思直饒一句下美當得猶是瞌睡漢  
時有僧問如何是一句師云拳 問如何是說時  
師云清機歷掌進云如何是默時說師云噴進云不  
默不說時如何師將棒趁 問如何是雲門劍師云  
袒 問如何是諸佛出身處師云更請一問 問如  
何是露地白牛師云覲機無改路進云放著什麼處



師云再舉不逾塵 問如何是塵塵三昧師云桶裏  
水鉢裏飯 問如何是一如體云師云欠你一問  
問如何是香中的師云壑進云如何是師云速退  
速退妨他別人問 問如何是非思量處師云識情  
難測 問鑿壁偷光時如何師云恰 問一言道盡  
時如何師云裂破進云和尚作麼生下手拈掇師云  
拈取糞箕掃帚來 問如何舉唱得不得來機師  
云道什麼進云還可來意也無師云且緩緩 師  
云三乘十二分教橫說豎說天下老和尚縱橫十字  
說與我拈針鋒許說底道理將來看與麼道是死

馬鑿錐然如此且有幾箇到此境界不敢望你言中  
有響句裏藏鋒瞬目平差風恬浪靜伏惟尚響  
問如何是透法身向師云北斗裏藏身 問如何是  
本來宗師云不問不答 問如何是三昧唯心萬法  
唯識師云我今日不答話進云為什麼不答話師云  
驢羊會麼 問如何是吹毛劍師云斲又云皆  
問如何是內外光師云向什麼處問學云如何明達  
師云忽然有人問你作麼生道進云明達後如何師  
云明尋且置還我達來 問如何是切急一句師云  
吃 問如何是本來心師云舉起分明 問如何是



衲僧孔竅師云放過一著進云請師道師云對牛彈  
琴 問如何是大乘修行師云一棹在手 問如何  
是一切智智清淨師云僧堂入佛殿 問如何是不  
挂唇吻一句師云合取狗口 問如何是海印三昧  
師云你但禮拜問著待我東行西行 問如何轉動  
弓得不落階級師云南斗七北斗八  
上堂云諸兄弟盡是諸方參尋知識決擇生死到處  
豈無老宿垂慈方便之詞還有透不得底句麼出來  
舉看待老漢與汝大家商量有麼有麼時有僧出擬  
伸問次師云去去西天路迢迢十萬餘便下座

問如何是當今施設師云道尋不難鑑從何來

問如何是不睡底眼師云不省 問如何是不犯之

令師云那箇師僧還見麼 問如何是大人相師乃

擎拳 問如何是學人切急處師云你怕我不知

問如何是佛法大意師云一佛二菩薩 問如何是

雪嶺泥牛吼師云山河走進云如何是雲門木馬嘶

師云天地黑 問如何是兄弟添十字師云我共汝

說葛藤 問如何是和尚爲人一句師云心不負人

面無慙色速禮三拜 問如何是天然之事師云

步向前作什麼 問如何是教意師云吃噉名頭



更將一問來 問如何是七縱八橫師云教汝一著  
上堂云舉一則語教汝直下兼當早是撒屎著你頭  
上也直饒拈一毛頭盡大地一時明得也是剜肉作  
瘡雖然如此也須是實到者箇田地始得若未且不  
得掠虛却須退步向自己脚跟下推尋者是什麼道  
理實無絲髮許與汝作解會與汝作疑惑况汝等且  
各各當人有一段事大用現前更不煩汝一毫頭氣  
力便與袒佛無別自是汝諸人信根淺薄惡業濃厚  
突然起得如許多頭角擔鉢囊千緡萬里受屈作麼  
且汝諸人有什麼不足處大丈夫漢阿誰無分獨自

兼當尚猶不著便不可受人欺瞞取人處分總見老  
和尚開口便好把特名驀口塞便似屎上青蠅相似  
鬪啞將去三箇五箇聚頭商量苦屈兄弟古人一朝  
為汝諸人不柰何所以垂一言半句通你入路知是  
般事拈放一邊自著些子筋骨豈不是有少許相親  
處快與快與時不待人出息不保入息更有什麼身  
心閑別處用切須在意珍重

上堂良久云觸目不會道運足焉知路僧問如何是  
觸目菩提師云與我拈却佛殿 問如何是最初一  
句師云九九八十一僧便禮拜師云近前來僧便近



前師便打 問如何是實學底事師云大好消息進  
云畢竟是誰家之子師云臘月二十五 問兼教有  
言一切智智清淨時如何師便唾之進云古人方便  
又作麼生師云來來截却汝脚跟換却汝髓髓鉢盂  
裏拈却匙筋拈將鼻孔來進云甚處有許多般師云  
者掠虛漢便打 問如何是禪師云是進云如何是  
道師云得 問如何是一切法皆是佛法師云三家  
村裏老婆盈衢溢路會麼學云不會師云非但汝不  
會大有人不會在 問學人簇簇地商量箇什麼師  
云大家以立

上堂云畫乾坤一時將來著你眼睡上你諸人聞與  
麼道不敢望汝出來性燥把老僧打一掴且緩緩子  
細看是有是無是箇什麼道理直饒你向這裏明得  
若遇衲僧門下好槌脚折若是箇人聞說道什麼處  
有老宿出世便好驀面唾汗我耳目汝若不是箇手  
脚纔聞人拳便兼當得早落第二機也汝不看他德  
山和尚纔見僧入門拽拄杖便趨睦州和尚見僧入  
門來便云現成公案放你三十棒自餘之輩合作麼  
生若是一般掠虛漢食人膿唾記得一堆一擔槌撥  
到處馳騁驢唇馬嘴誇我解問十轉五轉話饒你朝



洞至夜答到夜論劫還夢見麼什麼處是與人著力  
處似這般處有人屈袖僧齋也道得飯喫堪什麼共  
語處他日閻羅王面前不取你口解說諸兄弟若是  
得底人他家依家遣日若未得切莫掠虛不得容易  
週時大須子細古人大有葛藤相爲處祇如雪峰和  
尚道盡大地是你夾山和尚道百草頭上薦取老僧  
鬧市裏識取天子洛浦和尚云一塵纔起大地全收  
一毛頭師子全身搃是你把取鬣覆思量看日夕歲  
深自然有箇入路此箇事無你替代處莫非各在當  
人分上老和尚出世祇爲你作箇證明你若有箇入

路少許來由亦昧汝不得若實未得方便撥你即不  
可兄弟一等是漏破草鞋行脚拋却師長父母直須  
著些子眼睛始得若未有箇入頭處過著本色咬豬  
狗手脚不惜性命入泥入水相爲有可咬嚼取上眉  
毛高挂鉢囊十年二十年辨取徹頭莫愁不成辨直  
是今生未得來生亦不失人身向此門中亦乃省力  
不虛辜負平生亦不辜負施主師長父母直須在意  
莫空過時遊州獵縣橫擔拄杖一千里二千里走這  
邊經冬那邊過夏好山好水堪取性多齋供易得衣  
鉢皆屬苦屈圖他一半米失却半年糧如此行脚有



什麼利益信心擅越一把菜一粒米作麼生消得直  
須自看無人替代時不待人一日眼光落地前頭將  
何抵擬莫一似落湯螃蟹手脚忙亂無你掠虛說大  
話處莫將等閑空過時光一失人身萬劫不復不是  
小事莫據目前俗子尚猶道朝聞道夕死可矣况我  
沙門合履踐何事大須努力珍重

問如何是諸佛出身處師云佛前焚香佛後合掌

問十二時中如何得不被諸境惑去師云三門頭合  
掌 問四面森森如何是靈樹師云風鳴雨息進云  
如何是靈樹枝條師云灑眼皮草 問如何是觸目

善提師云枯却露柱學去露柱豈干他事師云驢年  
會麼 問醍醐上味爲什麼醜成毒藥師云聖

問如何是法師云心不負人學云如何是殺師云三  
日後不得唱衣學云不殺不法時如何師以拄杖趁

出 問學人與麼來請師實說師云知 問金剛爲

什麼倒地師云不著力 問殺父殺母佛前懺悔殺  
佛殺祖向什麼處懺悔師云露 問不起一念還有

過也無師云須彌山 問如何是和尚家風師云有

讀書人來報 問學人有疑請師不責從上宗乘事

作麼生師云三拜不虛 問生死到來如何排遣師



云在什麼處 問如來唯一說無二說如何是如來  
說師云那箇師僧何不問 問箇中如何辨主師云  
務原是什麼人坐 問學人實問請師實答師云你  
作麼生辨進云正當與麼時如何師云的 問從上  
古德以何為的師云看取名頭

上堂云諸和尚子莫妄想天是天地是地山是山水  
是水僧是僧俗是俗良久云與我拈案山來看便有  
僧問學人見山是山見水是水時如何師云三門為  
什麼從這裏過進云與麼則不妄想去也師云罷我  
話頭來

上堂良久云還有人道得麼道得底出來眾無語師  
拈拄杖云適來是箇小屎坑如今是箇大屎坑下座  
問萬法歸一一尋不問如何是萬法師云你來這裏  
說葛藤瞞我 問聖僧為什麼被大虫咬師云與天  
下人作勝槩 問十二時中如何用心尋得不負於  
上來師云省力進云省力事如何師云省取前話  
問萬機不到處如何知有師云該得麼進云日用更  
如何師云一箭到新羅大漢國裏說葛藤 問學  
人擬伸一問還許也無師云佛不奪象生所願  
問如何舉唱尋得不負來機師云痛領一問 問千



聖功圓冥然時如何擊琢師云白裏明人問三衆  
中何物勝於佛師云通你一問不問摘葉尋枝即不  
問如何是直截根源師云速禮三拜問已事未明  
如何指示師云不避來機還當得麼問盡其機來  
師還接也無師云一問不錯學云一問且置師還接  
不師云細看前話問毘盧向上即不問虛空請師  
番些子師云把却汝咽喉你作麼生道問如何是  
學人自己師云一叔一劄進云莫便是不師云蘓嚕  
蘓嚕

上堂云今日與諸人舉一則語大衆聳聽良久有僧

出禮拜擬伸問次師以拄杖趁云似這般滅胡種長  
連林上納飯阿師堪什麼共語處這般打野樵漢以  
拄杖一時趁下

問大象雲集合談何事師云向下文長付在來日進  
云便與麼去時如何師云隨進云什麼處是墮師云  
長連床上飽喫飯了脫空妄語問靈山一會何似  
今日師云言中有響學云當今事作麼生師云不煩  
再問問以字不成八字不是未審是什麼字師云  
九九八十一進云學人不會乞師指示師云我又辜  
你什麼處問後上古德得箇什麼便稱尊貴師云



愛問不愛答進云與麼則不做和尚舌頭嚼去也師  
云鬪斗煎茶銚不同 問和尚為人語話還有未道  
著底句也無師云說不及進云為什麼如也師云祇  
爲如此 問大拍盲底人來師還接也無師放身倒  
問如何是雲門山師云庚峰定穴 問牙齒敲磕皆  
落名言如何得不落古人蹤師云通機自辨 問如  
何是和尚家風師云皮枯骨瘦 問如何是道師云  
七顛八倒進云為什麼如也師云一不得向二不得  
開 問暗室得明時如何師云調州此去多少  
上堂云一言纔舉千差罔轍該括微塵猶是化門之

說若是衲僧合作麼生若將祖意佛意這裏商量曹  
溪一路平沉還有人道得麼道得底出來時有僧問  
如何是超佛越祖之談師云餽餅進云這箇有什麼  
交涉師云酌然有什麼交涉 師乃云你勿可作了  
見人道著祖師意便問超佛越祖之談道理你且喚  
什麼作佛喚什麼作祖師說超佛越祖之談便問箇  
出三家你把將三家來有什麼見聞覺知隔礙著你  
有甚聲色法與汝可了了箇什麼梳以那箇為差殊  
之見他古聖勿柰你何橫身為物道箇舉體全真物  
物觀體不可得我向汝道直下有什麼事早是相埋



沒了也你若實未得箇本頭處且中私獨自參詳除却著衣喫飯屙屎送尿更有什麼事無端起得如許多般妄想作什麼更有一般底如等閑相似聚頭拳得箇古人話識性記持妄想卜度道我會佛法了也祇管說葛藤取性過日更嫌不稱意千綿萬里拋却父母師資作這去就這箇本野樵漢有什麼死急行時去以拄杖便趁下

問父母不聽不得出家如何得出家師云淺進云學人不會師云深 問從上來豈請師提綱師云朔看東南暮看西北進云便與麼會時如何師云東家點

燈西家暗坐 問當今二句請師道師云放你十線

道還我一句來 問不涉塵纖請師道師云一怕汝

不問二怕汝不舉三到老僧教跳四到你退後速道

速道僧便禮拜師便打 問萬機喪盡時如何師云

與我拈佛殿來與汝商量進云豈干他事師咄云這

掠虛漢 問目前蕩盡時如何師云勢發作麼其僧

禮拜而退師云且來且來僧近前師便棒云這掠虛

漢諱切呼新我 問如何是法王主師云又手著

問盲龜值浮木孔時如何師云老僧又手去也

上堂云故知時運澆漓成千像季近日師僧北去言



禮文殊南去謂遊南岳無磨行脚名字比丘徒消息  
施苦哉苦哉問著黑漆相似祇管取性過日設有三  
箇兩箇狂學多聞記持話路到處覓相似語句印可  
老宿輕忽上流作薄福業他日閻羅王釘釘之時莫  
道無人向汝道若是初心後學直須攝動精神莫空  
記說多虛不如少實向後祇是自賺有什麼事近前  
問學人正在迷途請師一接師云道什麼 問如何  
是教意師云答猶未了進云和尚什麼處答師云將  
謂汝靈利 問如何是衲僧正眼師云那箇師僧近  
前來其僧近前師咄云去 問如何會得和尚十句

師云臘月二十五 問教中即不問如何是宗門中  
事師云既有來問速禮三拜 問絕消息處如何履  
踐師云三十年後進云祇今如何師云莫亂統  
問性源還有語也無師云莫問 問佛病祖病將何  
鑿師云審尋諧進云將何鑿師云幸有力 問百步  
穿楊請師指的師云答這話去也 問言詮不及處  
如何體會師云對眾快禮三拜 問於孺之子如作  
進步師云目前不辨進云豈無尊貴師云不較多進  
云作麼生師云作麼生 問凡有言說皆是葛藤如  
何是不葛藤師云大有不見汝問 問急急相投請



師指教師云作麼生道云不會請師道師云作麼  
上堂云大衆汝等還有郢州針麼若有試將來者有  
麼有麼衆無對師云若無散披衣裳去也便下座  
上堂大衆集定乃以拄杖指云乾坤大地微塵諸佛  
搖在裏許爭佛法覓勝負還有人諫得麼若無人諫  
得待老僧與汝諫看時有僧云請和尚諫師云這野  
狐精 問畫大地人來師如何接師云捉網有路進  
云莫祇這便是指示不師云合取狗口 問時中不  
明如何得不落緣塵去師云閉門哭蒼天 問十五  
時中如何體悉師云不難辨進云還有學人入頭處

也無師云細看前話 問靈山一會迦葉親聞未審  
聞箇什麼句師云不避來鋒速道速道進云是什麼  
句師云掣電之機徒勞佇思 問千聖不傳古今不  
歷如何是和尚接人一句師云觸忤老兄得麼進云  
如何是接人一句師云作麼 問有何運要令學人  
心息師云放你三十棒 問目前坦然時如何師云  
海水在汝頭上進云還著得也無師云向這裏脫空  
妄語 問施主設齋將何報答師云量才補職進云  
不會師云不會尋喫飯 問如何是向上事師云截  
却汝肚腸換却匙筯拈將鉢盂來者僧無對師云這



掠虛漢問如何是佛法大意師云來鋒有路  
問如何是學人轉身處師云利口吞盡時如  
何師云我在汝肚裏進云和尚為什麼在學人肚裏  
師云還我話頭來  
上堂良久云祇這箇帶累殺人便下座  
上堂云道尋道了也時有僧出禮拜欲伸問次師拈  
拄杖便打云識什麼好惡這一般打野樵漢恁似這  
箇僧爭消得施主信施惡業眾生恁在這裏覓什麼  
乾屎橛咬以拄杖一時趁下  
問牛頭未見四祖時如何師云家家觀世音進云見

後如何師云火裏蚰螬吞大虫問如何是禪師云  
拈却一字得麼問浮素柯畔日輪未出時如何師  
云知問背楚投吳時如何師云面南看北斗  
問六國未寧時如何師云千里何明進云爭柰不明  
何師云賴遇適來道了問如何是本源師云受什  
麼人供養問如何是直截一路師云主山後進云  
謝師指示師云合取皮袋問曹溪的旨請師指示  
師云三十年後問密室去官時如何師云倒進去  
官中事作麼生師云重問萬機吐不出時如何師  
云大眾不匿進云猶是學人疑慮在師云語覆前機



去問要急相應唯言不二時如何師云對眾舉大  
眾可不知進云如何兼當師云驢年不問一生積惡  
不知善一生積善者不知惡此意如何師云燭問  
遠遠投師師意如何師云七九六十三進云學人近  
離衡州師喝云是你草鞋跟斷僧云珍重師喝云靜  
處薩婆訶問如何是學人自己師云一佛二菩薩  
上堂云汝等諸人傍家行脚皆是河南海北來各各  
盡有生緣所在還自知得麼試出來舉看老漢與汝  
證明有麼有麼汝若不知老漢瞞汝去也汝欲得識  
麼生緣若在向北北有趙州和尚五臺文殊極在這

裏生緣若在向南南有雪峰卧龍西院鼓山極在這  
裏汝欲得識麼向這裏識取若不見莫掠虛見麼見  
麼若不見且看老漢騎佛殿出去也珍重

問六國未寧時如何師云雲擊雨色問上無繫佈  
下無已躬時如何師云截身一句作麼生道僧便禮  
拜師云放過一著置將一問來僧無語師云這死蝦  
蟻問如何是色即是空師云拄杖敲汝鼻孔

問如何是和尚非時為人一句師云早朝牽犁晚問  
撥杷問三乘五性不問如何是衲僧門下事師  
云日勢稍晚速禮三拜問久值爲什麼不識師云



測 問如何是心師云心進云不會師云不會進云  
究竟如何師云靜處東行西行 問三家唯心萬  
法唯識時如何師云右根裏藏身進云藏身後如何  
師云蘊嚕蘊嚕 問如何是途中受用師云七九六  
十三進云如何是世諦流布師云江西湖南新羅渤  
海 問密室不通風時如何師云響露鳴風進云如  
何是密室中人師云再陳難辨 問直與麼來時如  
何師云照從何立進云不去不來時如何師云前語  
道什麼 問進向無門時如何師云三千八百  
上堂云放你橫說豎說從朝至暮無人塞你口不放

你說又作麼生

上堂大衆集良久驀拈拄杖云看看北鬱丹絨人見  
汝般紫不易在中庭裏相撲供養你更爲你念般若  
經云一切智智清淨無二無二分無別無斷故僧便  
問如何是一切智智清淨師云西天斬頭截臂這裏  
自領出去 問挂錫函巖時如何師云在什麼處  
問如何是深中淺師云山河大地進云如何是淺中  
深師云大地山河進云如何是深師云朝到西天暮  
歸唐土 問迦葉入定時如何師云匿得麼進云還  
見十方不師云好手透不出 問真如湛寂妙絕無



門時如何師云自機迴照進云祇這裏如何師云莫  
錯問千般方便誘引歸源未審源中事如何師云  
有問有答速道將來僧應喏師云返還也問如何  
是雲門釵師云揭進云用者如何師云蘓嚕蘓嚕  
問如何是祖師西來意師云沒尋道進云不會師云  
壯一問問能詮表裏時如何師云風不入進云表  
裏事如何師云錯問萬機俱罷時如何師云椽上  
生芝草問觀身無已觀外亦然時如何師云熱發  
作麼進云與麼則冰消瓦解也師便打問龍門  
有意進水無能時如何師云來機即易再舉還難進

云正與麼時如何師云快

上堂云我看汝諸人二三機中尚不能搆得空披袖  
衣何益你還會麼我為汝注破久後到諸方若見老  
宿舉一指豎一拂子云是禪是道拽拄杖打破頭便  
行若不如此盡落天魔眷屬壞滅吾宗汝若實不會  
且向葛藤社裏看我尋常向汝道微塵刹土中三世  
諸佛西天二十八祖唐土六祖盡在拄杖頭說法神  
通變現聲應十方一任縱橫你還會麼若不會且莫  
掠虛雖然如此且諦當實見也未直饒到此田地也  
未夢見衲僧沙彌在三家村裏不逢一人師驀拈拄



杖劃地一下云搥在這裏又劃一下云搥從這裏出去也珍重

問古人面壁意旨如何師云念七又云定 問百來會底人來師如何接師云話墮也進云什麼處是話墮師云七棒對十三 問兼古有言了昂業障本來空未了還須償宿債未審二祖是了未了師云確問從上古德相傳何事師云連禮三拜 問如何是雲門一路師云親進云如何昂是師云顛言倒語作麼 問兼古有言擬心昂差如何得不差師云洪機壁掌進云後人再問作麼生師云遲風難改 問三

身中阿那身說法師云要 問如何是釋迦身師云乾屎橛 問請師提綱宗門師云南有雪峰北有趙州 問大徹底人見一切法是空不師云蘓嚕蘓嚕問終日切切不得箇入路乞師指箇入路師云當機有路 問如何是超佛越祖之談師云蒲州麻黃益州附子 問如何是教意師云撩起來作麼生道進云便請師道師云對牛彈琴 問云機一路如何體會師云三十年後 問擲示雙跣當表何事師云書進云未審師意如何師云緊悄草鞋 問不是云機亦非目擊時如何師云倒一說 問劫火洞然時如



何師云更夢見什麼

上堂云天親菩薩無端變作一條柶標拄杖乃劃地  
一下云塵沙諸佛盡在這裏說葛藤去便下座  
上堂云我去汝平展遇人識人與麼老婆說話尚自  
不會每日飽喫飯了上來下去覓什麼梳這野狐隊  
仗向這裏作什麼以拄杖一時趁下

問初秋夏未前程忽有人問如何祇對師云大眾退  
後進云過在什麼處師云還我九十日飯錢來

問學人近到法席未審家風事如何師云不歷一問  
作麼生道 問十方國土中唯一乘法如何是一

乘法師云何不別問進云謝師指示師便喝 問美

古有言一塵徧含一切塵如何是一塵師云吃嚙舌  
頭更將一問來 問學人不問師還答也無師云將

汝口挂壁上不得 問一切尋常時如何師云雖然  
屎臭氣熏我我且問你晝行三千夜行八百你鉢盂

裏什麼處著無對師云脫空妄語漢 問如何是教  
眼師云速禮三拜 問美古有言牛頭橫說豎說不

知有向上關捩子如何是向上關捩子師云東山西  
嶺青 問如何是露地白牛師云歸依佛歸依法歸

依僧進云白牛何在師咄之 問樹凋葉落時如何



師云體露金風 問如何是布袋裏真珠師云說得麼 問如何是祖宗的子弟師云言中有響

上堂云夫學般若菩薩須識得衆生病即識得學般若菩薩病還有人揀得麼出來對衆揀看衆無語乃云若揀不得莫妨我東行西行

上堂云我今日去汝說葛藤屎灰尿火泥豬疥狗不識好惡屎坑裏作活計所以道盡乾坤大地三乘十二分教三世諸佛天下老師言教一時向汝眼睫上會取去說汝便向這裏一時明得亦是不著便漢無點跳入屎坑可中於我衲僧門下過打時折時有三

僧一時出禮拜師云一狀領過 問如何得速起三

家去師云如何得速起三家去進云是師云是即休

問終日忙忙時如何師云觀機無響踏進云作麼生

師云說不得 問一撮淨盡時如何師云爭奈老僧

何進云此是和尚分上師云這掠虛漢 問如何是

道師云透出一字進云透出後如何師云千里同風

問古人道知有極則事如何是極則夏師云爭奈在

老僧手裏何進云某甲問極則事師便棒云叫叫正

當撥破便道請益這般底到處但知亂統近前來我

問你尋常在長連牀上商量向上向下起佛越祖你



道水牯牛還有超佛越祖底道理麼僧云適來已有  
人問了也師云這箇是長連牀上學得底不要有便  
言有無便言無僧云若有更披毛戴角作麼師云將  
知你祇是學語之流又云來來我更問你諸人橫擔  
拄杖道我參禪學道便覓箇超佛越祖底道理我且  
問你十二時中行住坐卧屙屎送尿至於茆坑裏面  
子市肆賣買羊肉案頭還有超佛越祖底道理麼道  
得底出來若無莫妨我東行西行便下座  
師見僧入來便云瓦解冰消僧云學人有什麼過師  
云七棒對十三 問如何是西來意師云長連牀上

有粥有飯 問美古有言道無橫徑立者皆危如何  
是道師云普請看 問如何是三乘教外一句師云  
闍黎一問老僧教跳三千里進云謝師指示師云住  
住你道老僧話作麼生無對師云三十年後來與汝  
三十棒問大眾雲集合談何事師云譯呼汝屋裏  
老爺 問曹溪一句蓋國知聞未審雲門一句什麼  
人得聞師云闍黎不聞進云學人親近得不師云子  
細細看  
上堂云如來明星現時成道有僧問如何是明星現  
時成道師云近前來近前來僧近前師以拄杖打趁



上堂有僧出禮拜云請師答話師召大眾大眾拳頭

師便下座

上堂良久有僧出禮拜師云太遲生僧應喏師云這

漆桶

上堂云有解問話者置將一問來僧出禮拜云請師

鑑師云拋鉤釣鯤鯨釣得箇蝦蟇僧云和尚莫錯師

云朝走三千暮走八百作麼生無語師便收

上堂僧問如何是本源師拈起拄杖云若是提起即

向上去也僧又問如何是本源師云南瞻部洲北鬱

單越 問普賢爲什麼騎象文殊爲什麼騎獅子師

云我也無象也無師子且騎佛殿出三門去也

問如何是教意師云山河大地又云正好辨猶是曲

說教意若約提綱予未在一 問一切智通無障礙時

如何師云掃地潑水相公來 問隨流認得性時如

何師云東堂月朗西堂閣 問如何是三乘教外別

傳底事師云你若不問我予不答你若問我予朝到

西天暮歸唐土僧云乞師指示師云一不成二不是

問如何是祖師西來意師云青天白日竊語作麼

問如何是佛法大意師云日裏麒麟看北斗 問學

人到這裏爲什麼道不得師云野狐窟裏坐 問不



落古今是何曲調師拽拄杖便下座 問如何是佛  
法大意師云面南看北斗 問古人斬蛇意旨如何  
師便打 問如何是和尚家風師云闍黎受戒太早  
問如何是賓中主師云騎一問進云如何是主中主  
師云又手著進云賓主相去多少師云如眼如目進  
云合該何事師云三九二十七 問自到和尚法席  
不會乞師指示師云截却你頭得麼 問乞師指示  
令學人頓息昏迷師云襄州米作麼價 問二尊相  
見時如何師云不是偶然

上堂云天帝釋與釋迦老子在中庭裏相爭佛法甚

淵便下座 問如何是曹溪的的意師云老僧愛瞋  
不愛喜進云為什麼如此師云路逢劔客須呈劔不  
是詩人不獻詩 問二尊相見去該何事師云不決  
尋道 問人天交接其意如何師云對衆呈機

上堂云和尚子且須明取衲僧鼻孔且作麼生是衲  
僧鼻孔乃云摩訶般若波羅蜜今日大普請便下座  
問如何是西來意師云山河大地進云向上更有事  
也無師云有進云如何是向上意師云釋迦老子在  
西天文殊菩薩居東土 問父母俱喪時如何師云  
俱喪且置那箇是你父母僧云苦痛深師云酌然酌



然問如何是大施主師云對機不辨問徹底冥  
濠底人來師如何拯濟師云兩重公案一狀領過  
問說教當爲何人師云近前來高聲問僧近前問師  
便打問和尚年多少師云七九六十八進云爲什  
麼七九六十八師云我爲你減却五年  
上堂云和尚子直饒你道有什麼事指是頭上安頭  
雪上加霜棺木裏眠眠灸盤上更著艾燭這箇是一  
場狼藉不少也你合作麼生各自覓箇託生處好莫  
空遊州獵縣祇欲得捏搦閑言語待老和尚口動便  
問禪問道向上向下如何若何大老抄將去壓向皮

袋裏卜度到處火鑪邊三箇五箇聚頭舉口喃喃地  
便道這箇是公才語這箇是就處打出語這箇是事  
上道底語這箇是體語體汝屋裏老爺老孃噎却飯  
了祇管說夢便道我會佛法了也將知與麼行牒驢  
年得休歇麼更有一般底纔聞說箇休歇處便向陰  
裏裏閉目合眼老鼠孔裏作活計黑山下坐鬼趣裏  
體當便道我得箇入路也還夢見麼這一般底打殺  
萬箇有什麼罪過喚作打底不遇作家至竟祇是箇  
掠虛漢你若實有箇見處拈將來看共汝商量莫空  
過不識好惡認認詞詞地聚頭說葛藤莫教老僧見



捉來勸不相當。樵折畧莫言不道。汝皮下還有血麼。到處自欲受屈。作麼這滅胡種。盡是野狐群隊。搵在這裏作麼。以拄杖一時趁下。

問十方薄伽梵。一路涅槃門。如何是一路涅槃門。師云我道不得。進云和尚為什麼道不得。師云是你拳話。即得。問如何是法說師云大衆久立。速禮三拜。如何是隨意說師云晨時有粥。齋時有飯。如何是隨宜說師云三德六味。施佛及僧。如何是方便說師云是汝鼻孔。重三斤半。如何是大悲說師云歸依佛法。僧問生死根源。即不問如何。是目前三昧師云吃

噉名頭。三千里。進云今日得遇和尚也。師云教你三十棒。問乞師指示。師云上大人丘乙己。進云學人不會。師云化三千七十士。問不離三德六味。還有佛法也無。師云祇怕你不問。進云請師道。師云三德六味。施佛及僧。

上堂云。眼睫橫亘十方。眉毛上透乾坤。下透黃泉。須彌山塞。却汝咽喉。還有會處麼。若會得。拽取占波國去。新羅國。闍額。

上堂云。江西即說君臣父子。湖南即說他不與麼。我此間即不如。此良久云。汝還見驛麼。



上堂云去去逸相鈍置有什麼了時却問衆云我與  
麼道還有過麼 問如何是祖師西來意師云一不  
得問進云喏師喏云話也不領 問今日供養羅漢  
羅漢還來也無師云汝若不問我予不道進云請師  
道師云三門頭合掌佛殿裏裝香 問如何是衲僧  
本分事師云南有雪峰北有趙州進云請和尚不繁  
辭師云不得失却問學云喏師便打 問美古有言  
會事事同一家不會事離牙擘齒如何得定同一家  
師云亂走作麼

上堂云從上來且是箇什麼事如今抑不得已且向  
汝諸人道盡大地有什麼物與汝為對為緣若有針  
鋒與汝為隔為礙與我拈將來喚什麼作佛作祖喚  
什麼作山河大地日月星辰將什麼為四大五蘊我  
與麼道喚作三家村裏老婆說話忽然遇著本色行  
脚漢聞與麼道把脚按向堦下有什麼罪過雖然如  
此據箇什麼道理便與麼莫趁口快向這裏亂道須  
是箇漢始得忽然被老漢脚跟下尋著勿去處打脚  
折有什麼罪過既與麼如今還有問宗乘中話麼待  
老漢吞一轉了東行西行有僧擬問次師以拄杖劈  
口打便下座



問師子頰呻時如何師云頰呻且置試啞吼看僧應  
啞師云這箇是老鼠啼

上堂云我有一句語不敢望你會還有人舉得麼良  
友云將謂胡鬚赤更有赤鬚胡便下座

上堂云不得已且作死馬鑿向汝道是箇什麼是東  
是西是南是北是有是無是見是聞是向上是向下  
是與麼是不與麼這箇喚作三家村裏老婆說話是  
你有幾箇到此境界相當即相當不相當靜處薩婆  
訶便下座

上堂云諸方老和尚道須知有聲色外一跋事似這

箇語話誰諱人家男女三間法堂裏獨自妄想未曾  
夢見我本師宗無在作麼生滴得他信施臘月三十  
日箇箇須償他始得任汝教跳去是你諸人各自努  
力珍重 問目前無一法還免得生死不師云你驢  
年來免得在 問如何是道師云去進云學人不會  
乞師道師云閻梨公驗分明何在重判 問維摩一  
點還同說也無師云痛領一問進云與麼則同說也  
師云適來道什麼 問如何是清淨法身師云華藥  
欄進云便與麼會時如何師云金毛師子  
上堂因聞鐘鳴乃云世來與麼廣闊為什麼鐘聲被



七條 上堂云不可雪上加霜去也珍重便下座  
上堂云諸方老秃奴曲木禪牀上坐地求名求利問  
佛答佛問祖答祖屎送尿也三家村裏老婆傳口  
令相似識箇什麼好惡極似這般底水也難消  
上堂云人人自有光明在者時不見暗昏昏便下座  
師入京在受春殿聖上問如何是禪師云皇帝有勅  
臣僧對 師在文德殿赴齋有鞠常侍問靈樹果子  
熟也未師云什麼年中得信道生

上堂云你諸人無端走來這裏覓什麼老僧祇解喫  
飯屑屎別解作什麼你諸方行脚參禪問道我且問  
你諸方參得底事作麼生試舉看又云中間諱汝屋  
裏老爺得麼向老漢脰臀後覓得些子啐唾嚼將為  
自己便道我解禪解道說你念得一大藏教擬作麼  
生去古人事不得已見你亂走向汝道菩提涅槃是  
埋沒你是釘橛繫却你又見你不會向汝道非菩提  
涅槃知是般事早是不著便也又更覓他注解這般  
底滅胡種族從上來搃似這般何處到今日我向前  
行脚時有一般人與我注解他是不惡心被我十日  
覷見是一場笑具是我三五年不死這般滅胡種底  
一斧折脚如今諸方大有出世紐担你何不去被



中在這裏覓什麼乾屎橛師便下地以拄杖一時打  
趁下去 問如何是萬法一法師云莫教失却問  
問死中得活時如何師云朝行三千夜行八百  
問大衆雲集合談何事師云今日放下令行去也僧  
禮拜師便打 問如何是學人自己師云怕我不知  
問如何是透法身句師云海晏河清 道士問視聽  
無聲無形老君說了也雲門一句請師指示師云返  
然西天路士無語師擬下座士云再請師舉揚宗  
師云道得底出來衆無對師云與麼則辜負請主去  
也便下座

上堂大衆集定師乃拈起拄杖云不得已且向這裏  
會取看看三門在露柱上便下座

十二時歌

夜半子愚夫說相似 雞鳴丑癡人捧龜首

平旦寅曉何人 日出卯韓情粘骨咬

食時辰歷歷明機是悞真 禺中巳去來南北子

日南午認向途中苦 日昃未夏逢說寒氣

晡時申張三李四會言真 日入酉恒機何得守

黃昏戌看見時光誰受屈人定亥直得分明沉苦海

偈頌



雲門聳剔白雲低水急遊魚不敢棲  
入戶已知來見解何勞更舉轆中泥  
藥病相治學路鑿技籬摸壁小兒戲  
函谷不語誰人測管解師美孰不知  
康氏圓形滯不明魔深虛喪擊寒冰  
鳳羽展時超碧漢晉鋒八博擬何憑  
是機是對對機迷闢機塵遠遠機棲  
夕日日中誰有挂因底底事隔情迷  
大陽溢目極玄微誰人說道我渠非  
句中有路人皆響覲面難遭第一機

卅歲依山人事稀松下相逢話道奇  
鋒前一句超調律擬問如何歷劫違

翫古松高雲不齋鴻鷄鶴抱幾年棲  
剖磬同時殊有異羽張騰漢碧霄低

萬象森羅極細微素話當人却道非  
相逢相見呵呵笑顧佇停機復是誰

話盡途中事言多何省機貴人言是妙  
上士見知虧大道何曾討無端入荒草  
寒來復寒去不覺虛性老上不見天下  
不見地塞却咽喉何處出氣笑我者多  
哂我者少



喪時光態林荒圖人意滯肌疴  
舉不顧即差互擬思量何劫悟  
咄咄力口希禪子訝中眉垂  
抽顧頌 鑑嘆

雲門正真禪師廣錄卷上

住福州鼓山圓覺

宗演

校勘





